

nach der Geburt halten sollen. 113
vnd kan nicht böse seyn/ daruñ wir auch
dem HERRN in allen dingen/ in glück
vnd vnglück / es gehe vns wol oder vbel/
dancksagen sollen.

Der Zwenzigste Artickel.

Daß man die Kinderlein als
bald sie geboren/ zum HERRN Chris-
sto tragen sol/ die Täußen lassen/
vnd durch das Gebett
dem lieben Gott
befehlen.

Der Eltern erste vnd für-
nehmste sorge für die Newgebor-
ne kindlein sol seyn/ daß sie diesel-
ben zum HERRN Christo tragen/ diese
Täußen/ vnd dardurch seinem Reich
incorporiren vnd einleiben lassen/ vnd
solchs stehet nit in ihrer freyen willkür/
P daß sie